

Na osnovu člana 19. stav (2) Zakona o Vladi Federacije Bosne i Hercegovine („Službene novine Federacije BiH”, br. 1/94, 8/95, 58/02, 19/03, 2/06 i 8/06) i tačke 10. stav (9) Programa utroška sredstava utvrđenih u razdjelu 17. Budžeta Federacije Bosne i Hercegovine za 2019. godinu Federalnom ministarstvu energije, rudarstva i industrije „Tekući transferi i drugi tekući rashodi - subvencije privatnim preduzećima i poduzetnicima iz oblasti namjenske industrije” („Službene novine Federacije BiH”, broj: 23/19), Vlada Federacije Bosne i Hercegovine na 187. sjednici, održanoj 31.07.2019. godine, donosi

ODLUKU

**O IZBORU KORISNIKA SREDSTAVA UTVRĐENIH U RAZDJELU 17. BUDŽETA
FEDERACIJE BOSNE I HERCEGOVINE ZA 2019. GODINU FEDERALNOM
MINISTARSTVU ENERGIJE, RUDARSTVA I INDUSTRIJE „TEKUĆI TRANSFERI I
DRUGI TEKUĆI RASHODI – SUBVENCije PRIVATNIM PREDUZEĆIMA I
PODUZETNICIMA IZ OBLASTI NAMJENSKE INDUSTRIJE”**

I.

Iz Budžeta Federacije Bosne i Hercegovine za 2019. godinu („Službene novine Federacije BiH”, br. 11/19 i 53/19), u skladu sa Odlukom o usvajanju Programa utroška sredstava utvrđenih u razdjelu 17. Budžeta Federacije Bosne i Hercegovine za 2019. godinu Federalnom ministarstvu energije, rudarstva i industrije „Tekući transferi i drugi tekući rashodi - subvencije privatnim preduzećima i poduzetnicima iz oblasti namjenske industrije” („Službene novine Federacije BiH”, broj: 23/19), utvrđuje se raspodjela sredstava „Tekući transferi i drugi tekući rashodi - subvencije privatnim preduzećima i poduzetnicima iz oblasti namjenske industrije” Federalnog ministarstva energije, rudarstva i industrije za 2019. godinu u ukupnom iznosu od 1.000.000,00 KM prema odobrenim zahtjevima, za subvencije privatnim preduzećima i poduzetnicima iz oblasti namjenske industrije, kako slijedi:

- Privrednom društvu **POBJEDA RUDET d.d.** Goražde, Višegradska bb Goražde, iz sektora namjenske industrije, odobrava se dodjela dijela sredstava iz tačke I. ove odluke u ukupnom iznosu od 221.277,00 KM za rekonstrukciju i adaptaciju građevinskog objekta A-24, ulaganje u infrastrukturu, opremanje nove trafostanice za dodatno snabdijevanje električnom energijom, objekata za proizvodnju, ulaganje na ugradnju dodatne opreme na liniju za proizvodnju inicirajuće cjevčice, nabavku automata za presovanje usporačkog elementa, laserskog štampača za ispis potrebnih informacija, kupovinu klima komore za čuvanje poluproizvoda i za kupovinu dokumentacije za proizvodnju elektrozapaljive glavice.

- Privrednom društvu **AC UNITY d.o.o.** Goražde, Industrijska zona bb Goražde, iz sektora namjenske industrije, odobrava se dodjela dijela sredstava iz tačke I. ove odluke u ukupnom iznosu od 221.277,00 KM, za nabavku rezervnih dijelova, revitalizaciju i stavljanje u pogon sljedeće opreme: obradni centar STAMA MC 300, obradni centar EXCELO XHC 241 M18, strug GILDER MEISTER N.E.F.CT 60-2 komada, strug GILDER MEISTER N.E.F.520.

- Privrednom društvu POBJEDA -TECHNOLOGY d.d. Goražde, Višegradska bb Goražde, iz sektora namjenske industrije, odobrava se dodjela dijela sredstava iz tačke I. ove odluke u ukupnom iznosu od 200.000,00 KM za nabavku opreme - mašina za razvoj novih kalibara municije u proizvodnom asortimanu (mašina za skraćivanje municije, mašina za vizuelnu kontrolu, mašina za frezovanje čahure, uređaj za ispitivanje čahure).

- ZUPČANIK d.o.o. Tešanj, Šije 415, Tešanj, iz sektora namjenske industrije, odobrava se dodjela dijela sredstava iz tačke I. ove odluke u ukupnom iznosu od 178.723,00 KM za kupovinu mašina (CNC obradni centar, CNC strugovi i specijalne mašine) i za izradu prototipova iz oblasti namjenske industrije.

- MSA METALWORKING - OBRADA METALA d.o.o. Bugojno, Armije BiH 171 Bugojno, odobrava se dodjela dijela sredstava iz tačke I. ove odluke u ukupnom iznosu od 178.723,00 KM, za kupovinu mašina (CNC tokarski stroj za izradu pozicija - 2 mašine, CNC obradni centar za izradu kompleksnijih pozicija 2 mašine, profil projektor za kontrolu i mjerenje radijusa i kontura CMM koordinatemeasuring machine za mjerenje položaja rupa međusobnog odstojanja kocentričnosti).

II.

Sredstva iz tačke I. ove odluke isplatit će se iz sredstava Federalnog ministarstva energije, rudarstva i industrije utvrđenih u razdjelu 17. Budžeta Federacije Bosne i Hercegovine za 2019. godinu, ekonomski kod 6145 - „Tekući transferi i drugi tekući rashodi - subvencije privatnim preduzećima i poduzetnicima”.

III.

Federalno ministarstvo energije, rudarstva i industrije će sa korisnicima sredstava sklopiti ugovore o realizaciji dodijeljenih sredstava, sa definisanim pravima i obavezama ugovornih strana.

IV.

Korisnici sredstava iz tačke I. ove odluke dužni su dostaviti Federalnom ministarstvu energije, rudarstva i industrije izvještaje i materijalne dokaze o utrošenim budžetskim sredstvima.

V.

Za realizaciju ove odluke zadužuju se Federalno ministarstvo energije, rudarstva i industrije i Federalno ministarstvo finansija - Federalno ministarstvo financija, svako u okviru svoje nadležnosti.

VI.

Ova odluka stupa na snagu narednog dana od dana objavljivanja u „Službenim novinama Federacije BiH”.

V. broj: 914 /2019
31.07.2019. godine
Sarajevo



PREMIJER

Fadić Novalić